



Inatsisartunut ilaasortaq  
Kim Kielsen

## Isumalluutit uumassusillit atornerqarnerat pillugu – nr. 25-mut akissut.

Inatsisartunut suleriaatsimi § 36 imm. 1 naapertorlugu, apeqquteqarsimavutit 2010-mut isumalluutit uumassusillit piujuartitsisumik atornerqarnerat pillugit. Apeqqut uannut akisassanngortinneqarsimavoq.

Apeqqut:

1. Isumalluutit uumassusillit ”piisaarutigineqarnerannut” Naalakkersuisut isumaqataappaat?
  - a. Angertoqarpat, qanoq iliuuseqartoqarniarpa?
  - b. Naaggaartoqarpat, tassunga suut tunngavilersuutit pissutaappaat?
2. Isumalluutitta uumassusillit piujuartitsinikkut annerpaamik atornerqarnissaat pillugu Naalakkersuisut sunik anguniagaqarpat piumasaqarlutillu?
3. Siulersuisuni ilaasortatut toqqakkat aqutugalugalugit, Royal Greenland 100%-mik pigineqartumut, isumalluutit uumassusillit annerpaamik atornerqarnissaannik aamma nunami maani atortussiassat annertunerusumik suliarineqartarsinnaanerannik piumasaqaateqarniarlutik Naalakkersuisut pilersaaruteqarpat?

Apeqqut 1-mut.

Uumassusilinnik isumalluutinik piujuartitsinermik tunngaveqartumik Naalakkersuisut ingerlatsipput, peqatigitillugu isumalluutinik uumassusilinnik pitsaanerpaamik atuinisseq pingaartinneqarpoq.

Kalaallit Nunaannut biologit siunnersuinerat tunngavigalugu, aalisakkat ilaannut TAC-mik ukiut tamaasa Naalakkersuisut aalajangiisarput. Biologit siunnersuinerannit qaffasinnerusumik TAC-mik aalajangiinissaq pisuni ataasiakkaani pisariaqartarpoq. Pisuni taakkunani, inuiaqatigiit aningaasaqarnerannut pissutsit aamma annertunerusumik eqqarsaatiginissaat Naalakkersuisut nalilersuiffigisarpaat.

Naalakkersuisut aamma erseqqissumik nalunaarutiginiuuvaat, pisat tulaanneqartut tamakkerlugit sapinngisamik privatit nunamilu suliffissuit kiisalu kilisaatit sapinngisamik tamakkiisumik atortassagaat. Naalakkersuisut politikkerivaat, nammi-

29. januar 2010  
J. nr.: 01.28/2010  
Postboks 269  
3900 Nuuk  
Oq/tel +299 34 50 00  
Fax +299 32 47 04  
apnn@gh.gl  
www.nanoq.gl

neq isumalluutitsinnik ilaatigut atorluaanerunikkut pitsanngorsaanikkullu uagut-sinnut pilersornerulissasugut.

Apeqqu 2-mut.

Soorlu qulaani taaneqartoq piujuartitsinermik tunngaveqarneq Naalackersuisut malippaat aamma matumuuna biologit siunnersuinerat isumalluutit uumassusilinnik ingerlatsinermut atatillugu. Tamanna tunngavigalugu TAC aalajangerneqartarpoq kiisalu Kalaallit Nunaanni aalisarnermut tunngatillugu aalisakkanut pingaarnerpaanut minnerpaaffissat aalajangersarneqarnikuupput. Tamanna piujuartitsilluni aalisarnerup ingerlanneranut ilapittuutaavoq. Aalisagaaqqat, aalisakkanit angisuunit aningaasatigut nalikinnerusut, matumuuna siunissami atorneqarnissaat periarfissaqalerpoq.

Saniatigut aalisartut ilaannut tulaassisussaataaerneramik Naalackersuisut piumasaqarnikuupput, ilaatigut nunami suliffissuarni suliffissaqartitsineq qulakkeerniarlugu kiisalu pisat tulaanneqartut suliarineqartarnerat pitsanngorsarniarlugu.

Apeqqu 3-mut.

Siullerpaatillugu uparuarneqassaaq, Naalackersuisut aktieselskabet aqutugalugit nioqutissiorfinnut ingerlatseqatigiiffiit pigisarimmatigit imaluunniit nioqutissiornermik ingerlatseqatigiiffinnik sullissinissamik isumaqatigiissuteqarnikummata aamma taakkua qanorillilluni ingerlanneqarnissaanut pilersaarusioneqassanersut Naalackersuisut suliassarinnigilaat. Taamaattumik isumalluutit uumassusillit annerpaamik atorneqarnissaat imaluunniit atortussiassat pitsaanerulersinnissaat pillugu Royal Greenlandip siulersuisuinut Naalackersuisut piumasaqarsinnaanerat ajornarpoq. Ilaatinngitsoorneqanngilarli pisarineqartut atorneqarnerunissaannut Naalackersuisut kajumissaaruteqarnikummata.

Naalackersuisut erseqqissaatigissavaat, Kalaallit Nunaanni isumalluutit uumassusillit tunisassiarineranni suliareqqiisarnerup annerusariaqarnera assut pingaartineqarmat. Royal Greenlandip ataatsimeersuarnerani peqataanissannut atatillugu Kalaallit Nunaanni aalisakkanik tunisassianik suliffeqarfiup suliareqqiisarnini anertunerulersittariaqaraa oqalugiaatip immikkoortuini qularnaatsumik Royal Greenland kajumissaassavara.

Saniatigut oqaatigisinnaavara, 2010-mi januarimi KNAPK ilagalugu Islandiliarlunga angalaninni maluginiarluarsimagakku, Kalaallit Nunaanni nioqutissiassanik suliareqqiisarneq, peqatigitillugu nioqutissiat pitsaassusaasa qaffasissusiat allanngortinnagu, annertunerusinnaasoq.

Ikinngutinnersumik inuulluaqqusillunga  
Med venlig hilsen

Ane Hansen  
Aalisarnermut Piniarnermut Nunalerinermullu Naalackersuisoq  
Medlem af Naalackersuisut for Fiskeri, Fangst og Landbrug